

芳春自記之新建鄒檢討度珙亦有記歲久復湮雍正六年知府薄履青知縣王淑京公捐修濬渠水復通

仰山正祠水渠在府城南八十里其源即仰山水分流會於正祠宋元豐中通判孫伋就上流醵渠分灑入廟深三尺廣稱之凡八百二十餘丈澄澈可鑑冬夏不涸自爲記石湖塘在府城西十里溉宜春學田及民田甚廣蜈蚣塘在府城西四十里其下有山曰魑牙坡曰茅坑曰大坑凌曰落城曰中櫟曰野豬窩曰蕨石坑曰張公坑曰龍源曰西巖嶺曰水口社山蜿蜒繇亘以至稠江其山俱在化南鄉明萬曆間因掘煤流毒田多荒蕪居民呈控勒石封禁

蔣溪塘在府城北五十里自柏木墩至公嶺蔭田甚廣